

Wilhelmina Kanker Fonds ta duna servicio di cuida na cas pa personanan cu Cancer

ORANJESTAD (AAN): Cuido na cas pa e personanan cu Cancer no ta facil. Wilhelmina Kanker Fonds a cuminsa cu e servicio di cuida na cas desde aña 1988. E programa di cuida na cas a wordo expande durante aña 2001 y ta bao guia di zuster Josefa Bareño cu voluntariamente ta coordina e programa pa Koningin Wilhelmina Kanker Fonds.

E meta di e servicio di cuida na cas ta pa duna cuida y cumpli cu e deseo di e pa-

cient di Cancer cu ta desea di pasa e fase final na cas den compania di famia y amigonan. E programa di cuida na cas ta encera servicio profesional cu ta wordo duna na e pacient cu Cancer na momento cu e ta na cas, pero mayoria biaha e servicio aki ta wordo duna na pacientnan cu ta den fase terminal.

Wilhelmina Kanker Fonds ta duna e servicio aki gratuitamente na e persona cu cancer. E cuida na cas ta encera cuida basico, cuida di herida,

duna medicamento oral, intramuscular, intravascular, infuus of cu patch, dunamento di oxigeno, alimentacion via di peg, uitzuigen, pone catheter y maagsonde, midi presion y temperatura.

Tambe den e parti di cuida na cas Wilhelmina Kanker Fonds ta keda sostene e famia y e pacient te na e ultimo momento. Tambe Wilhelmina Kanker Fonds tin un bon contacto cu e dokter di cas, especialista y hospital si cualkier situacion cu mester



presenta.

E fundacion ta intermedia na cualkier momento cu e pacient tin mester di producto pa facilita e pacient loke cu e tin mester.

For di Wilhelmina Kanker Fonds si e pacient ta den necesidad di cama, cashi, stand pa infuus, prostoeel, rolstoel, stoel pa baña, of mobil y matras anti decubitus tur esakinan Wilhelmina Kanker Fonds ta ofrece den e pakete di cuida di cas.

Famianan por tin e confi-

anza cu Wilhelmina Kanker Fonds ta traha cu varios enfermero diploma cu ta traha abase di freelance cu e fundacion. E fundacion no ta cobra pa haci e trabaonan aki, sinembargo si tin famianan cu kier haci donacion pa e fundacion por sigui yuda otro pacientnan cu Cancer esaki por ta posibel.

Fundacion Koningin Wilhelmina Kanker Fonds a lantata specialmente pa preveni y combati Cancer na Aruba.